



KEMENTERIAN TENAGA DAN SUMBER ASLI

## KERATAN SURAT KHABAR

SURAT KHABAR	:	HARIAN METRO			
TARIKH	:	19/7/2021 (ISNIN)	MUKA SURAT	:	19
JABATAN	:	PERHILITAN			



POLIS rampas 41 ekor burung murai batu dan seekor burung punai daun.

### Sindiket edar, jual hidupan liar tumpas

**Kuala Lumpur:** Sindiket pengedaran dan penjualan hidupan liar di sekitar Lembah Klang tumpas susulan serbuan ke sebuah rumah yang dijadikan tempat penyimpanan dan penjualan hidupan liar dilindungi di Bandar Bukit Mahkota, Kajang, dekat sini, kelmarin.

Dalam serbuan jam 9:30 malam itu, sebanyak 41 ekor burung murai batu dan seekor burung punai daun dirampas.

Komander Briged Tengah Pasukan Gerakan Am (PGA) Cheras, Senior Asisten Komisioner Muhammad Abdul Halim berkata, dalam serbuan itu, sepasukan pegawai dan anggota dari Cawangan Risik Briged Tengah PGA Cheras bersama Jabatan Perhilitan Wilayah Persekutuan juga menahan seorang lelaki.

"Turut dirampas tujuh sangkar (besi dan kayu jati) dan telefon bimbit yang

disyaki digunakan dalam urusan jual beli dirampas.

"Jumlah keseluruhan anggaran nilai rampasan adalah sebanyak RM66,500," katanya, semalam.

Muhammad berkata, pihak polis meminta masyarakat memberikan kerjasama dengan menyalurkan sebarang maklumat berkaitan aktiviti yang menyalahi undang-undang berkaitan akta pemuliharaan hidupan liar ini.